

補

勤

詩

存

補勤詩存卷之四

山陰 陳錦 晝卿

海角行吟 庚申至壬戌

庚申辛酉閒賊入浙境梓鄉無備漸不可居始避
甬東繼投滬濱梯航奉母涉歷波濤烽火中比至
江南荷戈草檄浮家蟹市筮仕戎旃幾於日不暇
給一行作吏此事殆廢錄存近作爲海角行吟

秋九將之甬東弟子徐竹生與陳北亭喬梓韓
鐵笙孝廉設餞於羊山石佛寺別後寄贈

羊山之羊化爲石撐起東南天半壁錢王鐵弩射潮回
混沌初鑿一竅開 山爲武肅屯兵處既而開山取石修越城鬼斧神工恣折

挂獨存此石牢不破中有金剛不壞身點頭現出蓮花
座回看四面小羣巒洞裏乾坤俯仰寬峭壁凌空飛鳥
墮寒潭無底毒龍蟠我遊此山已三過仰見佛頭如斗
大方今大劫換紅羊難憑佛力除么膺安得神靈復降
羊山頭天戈一指擒蚩尤鯨鯢十萬填吳溝之江之水
成腥流胡爲乎天心怙禍無時休坐視滄桑變易民無
鳩嗟予從軍愧不學捧檄旬餘羞落拓寄語山前韓昌
黎

鐵筌居山側有文名

爲我修文一驅鱣

魯松雲想像圖

想像圖者松雲魯五悼亡作也松雲不浹歲喪大小
妻誓不再續因爲圖臥寢誌想像云

中年喪偶一不幸幸有小星伴花影桃根桃葉同時枯
天心毋乃太慘乎松雲少壯事遊歷功名念重輕離別
刀環釵股卜燈前紅閨夢逐輪蹄鐵人生聚散本無常
不道相逢卻斷腸無可奈何花落去離魂難熬返魂香
案上瑤琴初拍碎大絃驚斷小絃在荆樹華從荔挺生
河洲賦倩江沅代可憐造物劇無情好夢偏教一再驚
忍使鰥魚雙目淚攜雛悽咽夢難成世人競議鸞膠續
新人笑時舊鬼哭蘆花衣薄兒女寒枉爲子孫買荼毒
况復年華易老日易西枯楊何苦又生稊不見逋仙託
孤嶼以鶴爲子梅爲妻

松雲有子四
圖綴四鶴

松雲鑒此展圖畫

陽臺不夜迎僊駕翩然一顧來鵲鵲空中定有湘靈下

圖成得句還自題

松雲自題爲倡

呼兒羅拜兒爲嘯得之想像

良不迷魂兮歸來圖中栖

九秋圖別楊心如

心如攬揆當秋九生來便飲黃華酒壯歲馳驅結客場
渾身劍氣沖牛斗羞逢世上俗眼青未肯折腰逐楊柳
行窠眊眊句餘波瀾壯闊胸中有雞林賈人都知名
海上相逢我獨後昨夜軍書火急催鄉心似箭揚帆走
臨歧卻憶九秋圖海棠妖燒菊耆壽披圖陡覺烽火寒
倩問故園無恙否吟成作別西風颺三尺純鉤各在手

嘉平上澣登餘姚鳳凰山樓

鳳山拾級快同登極目危樓上一層海尾何時填孝女

潮頭隨處避嚴陵

錢江潮止富春甬江潮止餘姚兩地皆嚴陵故蹟

丹崖蹴雨

留殘燹紺瓦堆雲壓繡塍借問誰家開別墅至今猶贖

讀書燈

翁憲芳農部會讀書此樓

大海朝宗擁百官

地名江水止此

千山同作祕圖

山名觀雙城二

城

對峙寒流急二水中分怒浪盤鬪艦臨門愁聽鼓驚

濤拍岸怕憑欄年來行役多風雪又是光陰逼歲闌

江橋晚眺

祕圖山下東江流第一橋邊第一樓祇許陽明來納履

御教胥種盡低頭

橋爲湖水所經

客星尚有綸竿在

客星山子陵遺蹟

僊尉應攜眷屬遊

梅湖在城北十里梅尉遺址

暮北朝南潮有信樵

風一掇送行舟

百官船

船以地得名

泊舜江潮遺址居然韻二姚

謂餘姚二城

夏

蓋湖邊山色盡郁家灣底舫聲消荷鉏屢構池魚鱗

鄉民

王春生去冬

稱兵入城持節偏貽畫虎嘲

邵又村漕堂奉命團練旋即罷去

寄語

榜人好收舵甬東東去浪花驕

感舊題綠雲山房遺橐後

葬玉埋香感歲華
鸚哥山下鵲驚鴉
東風已拆鴛鴦樹
夜雨重開姊妹花
胡蝶飛來原是夢
杜鵑歸去本無家
紫雲庵壁留題後
付與誰人護碧紗

無端錦瑟作淒絃
造物常多不了緣
鍼綫愁痕屬兒女

袈裟殘夢話神僊

夢中現女冠相

唬鶯墮地花爭落
靈鵲填橋

月未圓

集中七夕詩有姮娥也解雙星別捧出銀匳總不圓之句

最是不堪回首處

洞房燈火定情篇

綠窗愁絕苦吟聲
別恨如山了此生
驀地可憐荆布死
十年初見錦綳成
俸錢尙負營齋願
含玉空餘結帶盟
一掾東風管離別
桃花潭水已無情

相見時難夢亦難
梅花開過雪初殘
唾痕已逐香絨冷
淚點都隨硯水乾

集中懷母詩有淚痕入硯正封書之句

遺挂有時還化

蝶補琴無曲不離鶯
而今莫問雙谿月
照見詩人隻影寒

愛蓮詞

吳門妓避寇在甬

月缺花殘水不流
畫船燈火可憐秋
吳儂生小無愁慣
猶抱琵琶話虎邱

新時袖撿繡荷花長髻堆成兩鬢鴉珍重蘇州好裝束
須知倩女已無家

瓜皮小艇載明珠盪漿湖邊月上初說與哥哥行不得
南濠街上少人居

舞袖歌衫逐轉蓬霎時吹散落梅風

蘇城以上
年四月陷

杏花春

雨江南路留得崑山在曲中

姚江旅懷

假館名山傍祕園埭開荒徑剔薜蘿長宵短燭依蕭寺

熱酒寒燈夢艇湖雪裏煎茶瓶語盪樹陰聽雨瓦聲巖

明朝卻坐長龍去

長龍
船名

不道歸程在海隅

明日返
甬江

甬北度歲除夕書懷

估槁密織繞江東殘臘光陰迴不同半夜狂飊拋鐵纜

一竿晴日曬風蓬新縣幢布千重綵高簇桅燈萬點紅

怪底洋樓早除歲夷制以三百六十六日爲歲不知明開是歲以十一月十九日爲除夕

朝禮拜卻鳴鐘夷俗七日一禮拜

危樓百尺接扶搖俯瞰驚濤拍岸驕鬪艦鳴鑼催拔幟

輪船掉尾報回潮火輪泊江心任其隨潮掉頭以占潮信漲落元宵喫罷初

扃戶俗呼粉團爲元宵利市燒來不放燒開船祀神曰利市紙何處行

人尙如蟻三更燈火大江橋

巨耐漂蓬不定身忽聽爆竹甬江濱島夷貢土偏稱藥

自去去年鴉片開禁改名洋藥海國行舟卻有輪牡蠣餘腥分閩嶠會

人贈鮮牡蠣杜鵑愁語話天津句借用天津橋間杜鵑牀頭語謂夷船震大沽事

短鋏相隨久可記長安市上春

自遣牢愁作短歌高燒銀燭費吟哦末由將母歸何益
不爲封侯悔更多捧檄無時先草檄枕戈有志憶提戈

嚴陵山水西湖月驀地驚翻瀚海波

祀竈日富春被
寇省垣戒嚴

元日得唐益生蛟川官舍書

辛酉

一竿紅日透晴檐聽鼓轅門報曉籤雞肋未嘗先欲厭
鮓筒無寄不傷廉閒呵凍指題箋悄細數銀髭對鏡添
告語應門宜謝客點籌聲隔水晶簾

芻芻徹夜響春雷

謂礮聲

潦草年華又一回祇好吟詩先

強酒無須避債尙登臺歸鄉夢逐潮頭去隔歲書從海
角來咄咄休驚懷刺客杏花猶自日邊栽

卻將愁緒作吟緣
爆竹聲喧夜不眠
老我半生磨鐵硯
惹人無故卜金錢
不圖此地逢今日
便說來時是去年
子以庚申九月至此
莫道天涯知己少
詩筒容易遞蛟川

春正五日自甬歸越夜泊丈亭

春寒刺骨動鄉思
夜雪敲窗漏盡時
旅枕多情偏惹夢
行囊無物儘馱詩
驕兒早寄催歸信
幼婦羞題織錦詞
爲道元宵燈市近
扁舟如馬趁風馳

浪激風吹過赭山
丈亭亭畔暮潮還
岸頭冰點拳蝸殼
篷背霜痕畫虎斑
半夜漸聽風力軟
一年初見月棱彎
瓜皮小艇眞如葉
可奈寒生襪被閒

雞肋功名願不奢
頭銜似水作生涯
本無官守且將母

偷得公餘卻近家未必忘憂果諛草如何消疾獨梅花
故園咫尺愁偏劇怕聽村謳撼暮笳

腳槳船

船長丈許廣三尺坐臥容一身一人坐船尾以足踏槳行如飛向惟越人用以

狎潮渡江今江淮人並用之代急足

扁舟連日獨悶坐奇苦如斯向未嘗片席所容天地窄
側身之外水雲長指揮徐疾以步計坐臥平頗將寸量
祇有吟情還不倦蓬窗拳曲檢詩囊

蝗江早渡

千巖萬壑拱曹娥剡水谿流入海多一舸輕舟飛若鷺
滿江寒浪白於鵝塘分楸浦魚鱗碎潮落龜山鰲背歇
賴有金隄亘蝗曲不教風雨戰蛟鼉

甬北公餘檢閱舊稟手錄一過有感

早歲吟詩已斷腸

悼亡集

十年獻賦逐名場

都中

滄桑屢

變愛身世風木餘酸痛養堂

癸丑以後便感亂離

把酒

自看三尺劍撚鬚驚見一痕霜可堪宦海多翻覆又被

罡風波浪長

問世偏無濟世資本來面目是書癡難瞞心地休隨俗

多種愁根爲作詩一卷刪存殘稟破半生甘苦夜燈知

琴聲斷處終須補莫負蕉窗寫韻時

時方校綠雲山房遺稟

江樓夜坐

萬舶千艘擁海門儼成都會鬧江村市聲捲地腥風起
人語隨潮夜氣吞羅掘無端昂百貨轉輸何日罷三軍

未能拋得閒中趣月滿寒齋酒滿尊

危樓庠豁瞰東瀛自聽紅欄步履聲夢裏茶香消酩酊
畫中花影過清明吟詩留得真吾在握算難辭俗吏名
賴有垂垂簾一桁隔開塵市護寒檠

張季儒茂才邀賞葛岷東家紫牡丹

湖光春綠嫩晴天小結園亭設綺筵好倩名花來對客
雨痕如漬帶凝煙

衣披一品奪嬌紅供養花王梵宇東

葛家南湖水月富
橋延慶寺側

貴如斯還壽考主人原是葛僊翁

東來佳氣接寰瀛望見朝瞰海上生地近薇垣天尺五
空中時聽鳳皇鳴

偶憑詩酒敘萍蹤欲寫芳姿怕不工寄語燕支莫多買
此花自有紫泥封

江干晚步

擁書枯坐倦頻拋散步平沙破寂寥一葉輕舸杭野渡
半帆斜雨撲春潮新開鼃殼海船名人爭坐卻道鴈洋洋人
改鑄鴈洋故高其值價漸高惆悵危樓臨絕壑瀛洲千里隔扶搖

素芳詞

王素芳故甬妓也久入吳門句欄去年避難以弟子
香菇如意珊珊歸甬秋娘老矣猶復名振江東爲六
絕句示沈芸閣茂才鎔經

黃四娘家子美家潯陽江上此琵琶

時諸友方自嫌車
爲子祖餞

馬門前冷添種牆頭姊妹花

楊花無力慣漂流燕子歸來認畫樓舊事傷心提不得
去年今日在蘇州

顧曲曾經屋貯金能詩錯賦白頭吟青樓歌舞稱前輩
想見英雄末路心

無何來作教坊師已去韶華只自知老鳳聲清雛鳳和
鳳雛剛及破瓜時

偎紅倚綠摘蘭若玉樹玲瓏一掬嬌兩小無猜情脈脈

就中消瘦沈郎腰

時方攜詞友玲兒往

馥郁花香繞酒尊空餘明月替銷魂香山已死知音少
座上青衫沒淚痕

竈君

職居司命享明禋善惡難逃監在眞祇許王孫稱嬾子
卻疑老婦是功臣萬家香火兼煙火一歲迎神復送神
醉後朝天還記否膠牙餠味最宜人

門神

專司管鑰握靈符七尺昂藏立畫圖形影枉隨人出入
衣冠徒聽鬼挪揄墓門翁仲成同列寶剎金剛愧向隅
問爾年年依閭閻爲誰將進足趑趄

牀婆

洞房香火祀牀婆俗論纖奇竟不磨那管人間春夢短
祇愁兒女夜啼多三更細語聽佳偶一粒寒檠照睡魔

贏得深閨稱萬福元宵祈報醉顏酡

厠姑

弓鞋款步月黃昏茅屋敲斜未揜門
滾絮霑泥留倩影
飛花入溷墮芳魂織成蛛網唬妝淚
弄罷蜨丸認爪痕
莫道無郎頭著糞青蠅逐臭自溫存

湯婆子

秋風拋卻竹夫人熨貼隆冬有替身
襪被無溫茶已熟
寒衾如水足初伸不辭暮夜因人熱
多費炎涼短夢春
莫漫熒熒成炙手一加冰炭便難親

不倒翁

供人指使走團團俯仰依人天地寬
顛倒何妨憑造物

扶持終不倩旁觀藏身莫道低頭易入世無憂立腳難
認得廬山真面目千回百折自盤桓

自製小印

文曰觀過斯知

生平不讀易大過安得無寡過辭未能藉口遽大夫本
乏呂端才小事先糊塗凡此解免詞徒以寬庸愚積功
如積雪旋積旋消除積過如積疾疾去留根株予年已
強仕塊然叢過軀無顏悅人世狀貌類迂拘憤時挾餘
怒螳臂思當車僭懷民物憂矢口多毀譽十年艱一第
抱璞泣路隅室人苦交謫當道爭擲榆存斯未竟志負
此已讀書丈夫枉識字老大猶飢驅但求尺寸柄何不
起屠沽上馬能殺賊況今多萑苻長歎竟投筆匣劍鳴

嗚嗚羸官不可得百過與之俱觀過斯知仁所賴有聖
謀勒以金石文綰以銅虎符毋爲俗吏溷坐使傲骨枯

秦四娘

近日爲詩輒談時事或以爲非風人比興之旨因回
憶十餘年前閨房倡和兒女情長往往述離人思婦
之詞擊節沈吟則詩偶感泣此事渺如隔世矣甬江
消夏記道光乙巳擬樂府秦四娘王素娥及借屋種
梅花等闕僅錄其一以誌舊感

嫁女何須年少郎但看洛下秦四娘秦四娘年十五時
初胎葢薏含嬌姿阿娘嫁女意獨別願與情人作桃葉
劉郎五十頭白翁何郎十五顏如雪白頭惟恐緣不長

聽女自擇適何郎何郎家有百頃田世傳勲閥科第聯
郎年十七佩銀印二十奉使征滇南滿前珠玉目不瞬
遊半天下名山川歸來駐節過燕趙迎得趙女如花好
已開花比未開花便道舊人色枯槁去年買擢下姑蘇
飽看名花返故都回舟又挾揚州妓趙國新人復捐棄
室中猶有未老荆十年委作路旁塵日給黃蘗一餐飯
節制今須揚州人一室炎涼已三易喜新厭故如合轍
同抱秋風團扇愁孤衾各自憐枯寂不如嫁與頭白翁
生擅專房死同穴秦四娘淚浪浪嫁女何須年少郎

錄前詩有感

檢點芸編百緒生鏡臺花落月無情紅闌夜靜燈如豆

猶記芭蕉聽雨聲

十年殘燹撲塵埃爲感琴絃卷不開此日江樓懷舊詠
夢中先見綠雲來

驚心世事總滂沱斷雨零雲恨裏多惟有雙星渾不覺
鵲橋依舊去填河

時七夕前一日也

寄唐益生茂才福履

未必桃源果避秦人間終鮮少微星板輿無處容迎養
文字何嘗許乞靈建白須防遭不自汗青差幸足垂青
敢將成敗論時輩爲有千秋竹素馨

消盡輪蹄鐵似銀青衿彈破十年塵榮枯莫問方來事
出處難安未老身盛世何須存稗史亂離然後有詩人

爲君力辦無愁法且臥糟邱作醉民

新秋卽景

耿耿銀河影不平微微涼靄逗簾旌一鉤斜月雨初過
半夜西風潮有聲水浸蘆花新鷺浴露零桐葉早蟬鳴
江天稻熟蟹可食未許持螯了此生

家一林姪讀書秋樹根圖

芸編百葉古香生繞屋扶疏冷翠橫招得歐陽來作賦
書聲從此變秋聲

滿林風雨儘埋頭祇爲班超筆未投他日將軍銘大樹
會須攜汝看封侯

百城坐擁避塵譁不富金籬富五車寄語公孫還努力

賜書千卷在吾家

贈錢愼菴刺史 德承 渡海官滬

長驅五馬出鄉關忽聽征鑣去復還卻道明珠歸合浦

誰知零雨戀東山江南羽檄勤三顧 公屢奉江南檄調 北珂

轅許再攀祇爲秋風淩芡熟揚帆重繞賀公灣

自顧頭顱白髮侵且將捧檄答知音 劉松巖司馬薦公自代 二千

石是親民吏四十年來許 國心航海攜家餘壯志買

山無力見官箴願公毋久蒼生望舊治關河愴已深 公舊

莅青浦今被賊陷

蕞爾金城峙滬中勿憂蹂躪逼吳東三年林下遲廉叔

幾輩軍前識令公 公會辦夷務 下馬應濡磨盾墨傳家勿替

射潮弓何當浮海追芳躅捲甲親從矍鑠翁

大洋山

山在江浙交界海隅海道自南折而北駛處

地缺東南殊不然陡起芒角大洋邊左瞰登萊右閩嶠
海底石骨遙相連萬丈懸崖臨絕壑巨浪掀天風雨作
兩閒有此大巽峯相其陰陽目力窮

大楫山

由舟山杭滬海道所經有大七山小七山土人呼爲大楫小楫

萬里蒼茫一點黑忽如覆釜知是山舟人指點話未已
到眼已見青孱顏回頭一瞬山漸小舟行如飛山頓杳
大楫旣去小楫來寸青尺碧鬬奇好有楫如此難爲舟
舟山千古海中流

去年九月賊陷紹興舉家避難滬中有感

壬戌

誰令烽火逼江東八百湖山一炬中比戶浮家逐流水

燭天煙燄動悲風乍稽甬北驚魂定不料句餘焚劫同

聞道吳淞千里近片帆東指入洪濛九月二十九日由紹來甬因甯城不

守始有上海之行

老母龍鍾上海撓經旬漂泊度驚濤十月十四日由甬登海船二十八日

始抵上海傾家到此難回首得祿無時已折腰十一月十三日捧檄滬中

尺地寸金喧蜃市米珠薪桂漲腥潮任他此土非安樂

幕上依然滿燕巢避難來滬驟增數萬人屋租市價頓加數倍

百里花封半不完時浦東疊陷海隅猶自說偏安明知剜肉

瘡難補究竟亡胥齒易寒滿局殘碁餘劫子一枝縣葛

繫頽垣乞師幸賴書生力贏得軍中有契丹吳中官紳在滬者建

夷兵會防之議奏蒙俞允遂克浦東然夷勢自此益橫矣書生謂龔孝拱上舍登

來非得已歎蹉跎咄咄書空計總訛秦火尙餘殘葉在

杞憂爭耐苦吟多鴟夷逐夢能歸否鳩毒醫人柰病何

夷兵會防要末殊甚萬里君門滄海隔時欲入覲因海道阻滯不果幾回翹首

望天戈

避亂滬中遇奉賢袁廉叔同年墳

相逢卻值亂離時握手爭看鬢上絲兩地同遭焚硯劫

廉叔因奉賢被寇來滬十年應悔讀書癡江南枯樹蘭成賦夔北

悲笳杜老詩誰道板輿能奉母枉教浮海復居夷

可堪世事竟如麻俄頃滄桑百變加不信蠹魚還識字

劇憐萋楚本無家思尋弟妹鄉音斷空憶琴尊舊夢賒

補勤詩存卷之四

古

桃李能言應解事園亭無主莫開花

謂山陰同社吟詩

墮堞吟

去冬甯城被陷賊可園明府

均之

莅鄞縣力戰受傷

墜城殉難絕而復蘇折其脛骨越數月傷稍平力疾來滬請兵爲克復計相見悲喜詩以壯之

昔聞志士心如石今見將軍頭似鐵當頭一擊頭骨牢
太阿頑鈍成鉛刀再擊再中誓不動城頭兀立如山重
匍匐撲地頭倒撞風雲拱護神鬼扛以踵易頂穿堞墮
大石當衝右脛挫傳聞海外咄咄奇其人爲誰曰老可
老可讀書三十年自引民物爲仔肩方隅出宰僅小試
作吏未有如公賢公名早登循吏傳劉寵一錢都不選

鑑湖秋水照人清不及使君清可鑑

公仕山陰大有清名

大吏交

章記政聲以公考最知公貧天之生公有傲骨惟恐晚

節辜廉名龍山治績多殊眾去思碑下留歌頌衡文竟

日空狂囚整武連年捐鶴俸

公仕山陰興利除弊捐廉課士練勇數年不倦刻

曲停車亦有爲化行五日殲渠魁

莊嵒邑五日獲五匪馬阿沅殺之各邑以

安兩月之間再捧檄鳴騶重上句東來不道天心未厭

亂荏苒大寇爭狂竄

莊鄞十日紹郡盡陷甯城戒嚴

江厦江東一炬空

軍孤餉絕猶盛戰

公守南門正當賊衝

煙塵陡亂城南隅城樓高

聳入雲衢振臂一揮飛彈落毅然不顧千金軀

鎗彈中公左手

衣袖皆穿

忽聞大聲起肘腋悍賊聯羣登雉堞

十一月八日賊登南門東

城陷全軍潰散四無人惟公遇賊公隻身奪刀不得刀

千斤以頭受刀刀有聲頭上但聞刀鏗鏗

賊持刀砍公奪刀不得

遂受血濺征袍不知痛玉山傾倒渾如夢

受創墮城淒傷足暈絕

風苦雨守忠魂頽然一臥填邱壠

百姓匿公於墓田惟亂草中公猶未蘇

時公死死猶生耿耿忠精感路人故賊無從識公面新

賊猶能知公名奇哉老僧閉戶坐仰見將星如斗墮龍

鍾卓錫來撫屍須臾公醒如有知

寺僧金芝庭率數十人昇公歸公漸蘇

道旁觀者多歎泣吾公何爲至於斯公死於茲已三日

人間煙火都不食清泉一飲容數升浩然大氣盤胸膈

飲水數升始能言動

倉皇起坐忽吞聲以手舉足足不靈始知足

骨已三折持足搖骨骨節鳴甘心待斃經信宿窮鄉無

處尋薰沐民之愛公意有加爲公擇地趨江北

次日百姓送公

至江北西洋館海舶民刀圭聖藥多活人公今病足能

岸求醫

夷人爲接斷骨數月傷平

同官狼狽都汗走惟公當道猶爭迎

吾聞公死仰天哭又聞公生意亦足公之死兮節義全
公之生兮天乎天非節胡以愧苟活非天胡以濟時艱
君不見馬革舉尸葬朔漠沙場未始無溝瀆又不見裹
創壯士重生旋誓心殺賊存餘年

泖湖吟

松江之難葉湘秋孝廉遶室蕭氏殉節泖湖幼女倩
雲十二齡從母死爲作泖湖吟

女哭母母哭女白日無光風雨苦天生勁節屬柔姿鬢
眉聞之顏色沮或言造物厭繁華吳中積習偏紛奢無

分玉石墜爇劫卽此尤物貽之戚此言毋乃過激切或
言志節惟有婦女堅甯爲玉碎羞瓦全纍纍就死慘若
鳥雀遇鷹鷂可惜其中品類有賢有不賢湘秋葉子言
奇絕笑問愛姬臨大節慨然一諾誓如山小女應聲從
阿娘阿娘云死女亦死如聞天籟不許人思量老雁哀
鳴雛雁和霜天月落清碇涼我疑此言尙近戲姬於此
言三致意去年大寇猝臨門萬人狼狽爭奔避窮鄉路
絕無可逃惟有泖湖湖水光滔滔餌賊所覷釵釧拋騰
身撒手一躍赴驚濤遺雛痛絕不能語望水呼娘無覓
處但知娘在湖水中倉皇入水隨娘去闔門似此節孝
俱兩閒正氣甯獨歸丈夫人生誓死太容易幾人臨變

能捐軀賴有一泓秋水千載濯雙珠請看芳魂夜夜銜
石填御湖

補勤詩存卷之四

補勤詩存卷之五

山陰 陳錦 晝卿

東南壬甲

癸亥甲子併辛壬年舊作

筮仕之初江浙淪陷予忝以書生荷戈草檄入幕
持籌兩境肅清躬逢其盛追敘往事義不引嫌作

東南壬甲

東南壬甲新樂府十八首

自咸豐壬子粵匪竄踞荆襄疊陷楚皖江淮數百郡
縣生民塗炭城郭爲墟逮乎同治紀元曾滌生節相
督皖楚之軍克復上游李少荃宮保巡撫江蘇左繼
高宮保總制浙閩未及三年削平大亂時值上元甲

補勤詩存卷之五

子屈指軍興歲周一紀桑田滄海世事如棊繼以夷
舶叩關重頒和議時局遞變聞見一新作為諷歌感
時意切蓋述東南之事居多焉是為東南壬甲

城闕隸

誌軍興也

辛酉越中作

常禧門頭守門卒

越城西南門曰常禧

白髮蕭蕭衣百衲夜深待

索開門錢明滅一燈坐城闕自述所聞乾嘉時父老談

兵民不知惡少無家尋活計喫糧藉作遊手資

越俗謂當兵曰

喫糧強者喫雙弱喫半餘糧入官工權算三年一閱大點

兵十卒五空互更換忽聞夷舶寇舟山

古舟山今定海廳

金招

結寨戍重關

金雞招寶海口二山名

敗北歸來無所見但聞礮響

誇美談從此十年又休息軍書卷卷成空額土鏞寒生

劍匣花塵腥爛斷刀環鐵無何粵寇擾金陵羽檄重徵
吳越營提標撫標多老弱各郡添撥五十名老卒今年
已七十兩次從征都勿及豫納軍前免調銀買充城守
求口實近日行軍迥不同兩營對峙言語通賊不開營
兵不戰終年坐享衣食豐倒戈佯走入城郭縱火開門
官不覺棄甲爭披錦繡衣解弢齊換金銀索公然淫殺
笑顏開掠取人家兒女來不信軍中多眷屬旗門列隊
耀裙釵似此橫行差足喜第一人閒好生理揮金如土
誓不歸歸來烜赫驕鄉里勸君此日莫爲民爲民畏賊
兼畏兵兵先賊後賊乘閒賊去兵來兵洗城惟有爲兵
不畏賊迎賊者工拒賊拙可人除是岳家軍中流一鎖

沈江鐵嗟予病足臥城闔管鑰專司老此身買酒索錢
莫敢抗餘威假虎猶驚人我聞此言三歎息想見寰中
兵禍烈昔憂兵弱難衛民今苦兵頑易助賊何當借箸
汰兵糧還養吾民民富强有民無兵民安堵以民爲兵
兵最良上世民强兵不用後世兵强民益恐年年羅掘
養兵資百萬膏脂供一閭嗟哉老卒無多言老卒所言
有餘痛

賣藥翁

苦稅捐也

辛酉用
上作

賣藥翁沿街偃僂馱藥籠手轉銅鈴賣半值不賣富貴
賣貧窮翁言賣藥已非古不耐中途需索苦五里一卡
十里關藥錢值十捐加五軍書火急催鑲銀大吏但知

捐富民富民爲商工權算捐多價重苦貧人商人加捐
獲重獎貧人加價空快快加價更比加捐多市儈弄人
如反掌民間自此百貨騰尋常衣食難支攬勸捐有司
反考最以多爲貴刻爲能藥商重利輕性命倍蓰取償
渾不定釐毫紙裏百十錢無錢休患需錢病老翁蒿目
痛時艱傳得奇方與世閒脫將破衲裹百藥倖逃捐稅
踰重關因此貴藥憑賤買豪門問值爭疑駭祇圖持此
濟貧窮說與旁人都不解我聞翁言笑翁癡 朝廷大
政翁不知世閒萬事耗民力豈獨賣藥苦抽釐去歲夷
兵定和議五口設關租內地但聞納稅餉中華不道夷
商轉漁利始立夷官索俸金仍向華商加稅銀華民何

故納夷稅明來暗去新法行我言未已翁遽怒收拾藥
籠去不顧明朝重訪賣藥蹤但聞藥香滿行路

青面妓

悲流離也

辛酉雨
上作

青面妓面青眼赤髮不理昔爲吳中倡家兒今爲倡家
竈下婢婢年十二居金陵如花顏色初娉婷一曲琵琶
賣歌舞秦淮水上嘯嬌鶯明年二月構兵禍十家眷屬
九被擄阿娘逃匿不可知阿姊赤身死道左婢同年少
伏草中忽聞東王接冶容賊目楊秀青
僞號東王長繩魚貫閉一
室惟有能歌許先出冒死含羞歌一聲蒙頭給換紅綢
綾便脫笏人好衣服曳婢走謁東王營東王繡服坐宮
殿刀槍羅列開筵宴乘輿寬大容四人兩行隅坐張宮

扇輪班入直上歌樓兩月之中輪一周名門子女尙如此路旁花草何足差此後不能記時日漸聽同曹贖身出後園拾得金搔頭潛賂宮中守門卒門卒得金索夜眠明朝與我一寸箋持箋出城被偵獲官軍收養難民局問是咸豐第五年始識婢年今十六賊編年始自金陵以三百六十六日爲一歲陷賊局中日給五合米不似宮中鬪華靡中者莫知時日飢寒交迫不可支年終轉向蘇州徙同行內有白面娘倚門賣笑求爲倡相攜偕往供驅使重上人閒歌舞場金闔不比金陵好門前時有強兵擾不信人皆止屋烏獨憐我是驚弓鳥驚弓之鳥無可歸年華漸長心事違虎口餘生強歡樂傷心話舊肝腸摧賸此浮萍漂一葉

可憐重遇然。睂劫大營潰散滿城譁。廣勇登城夜迎賊。
長官出走城門開。四面驚呼長毛來。南濠北濠同日火。
充街塞巷人聲哀。行人如蟻地無隙。強兵沿路恣搜劫。
道旁兒女爭棄遺。塘上金銀亂拋擲。弓鞋寸步苦纖纖。
又是淒風慘雨天。弱質何堪死踐踏。開窗赴水河渠填。
人多水淺死不早。攀援登岸投炎燎。毒燄腥聞十里屍。
濃煙潑面熏人倒。驚魂渺渺逐風飄。隔日蘇醒頭面焦。
花容自此無人問。空中鬼哭聲嗷嗷。體乏完膚痛如割。
夜半膝行十指折。天明匍匐過胥門。漁父艤舟救得出。
出來已是三世人。倉皇顧影悲不勝。短髮蓬鬆不盈握。
面痕斑駁成深青。甘心自鬻爲奴隸。行人一見都驚悸。

千錢賣卻千金軀轉轉依人尋活計滬上相逢王鵲齡
吳門舊日熟芳名此日重逢卻疑夢琵琶猶作斷腸聲
羞與羣芳聯姊妹肯教孱質投魑魅願依鸞下了殘生
感深知已千行淚我聞此事心骨悲人生有貌欲何爲
青面猶存命如寄紅顏已矣魂安歸吁嗟乎江南江北
成焦土玉碎珠沈可勝數莫怪花天風雨多地下含冤
不能語

四點鐘

慎籌邊也

辛酉甬上作

四點鐘東新街

甬地名

上新關封

四點鐘者申正也夷關每日至此閉市

青

天白日千艘集叩關不應百計窮新安大賈爲予泣去
歲津門賣茶葉正值天戈東指時礮臺南北營如鐵議

和幾輩請班師議戰幾人請殺賊羽檄馳商議不成火
攻神策洩奸民重關十二如破竹北通大震畿輔驚綠
營勁旅猶三萬祇許階前供立仗勳閥攜家爭去留文
臣講武徒惆悵外廷奉 詔罷親征萬馬長驅直北行
侍從攀轅都不及六宮迤邐望清塵權宜從此憑監國
深宮定策籌之熟重圍不解萬姓疑道路干錢易斗粟
咸陽三日火連天驀地銅駝藉草眠一夕休兵傳手敕
七人免死登華筵春官堂上尊尊席朝爲俘囚暮爲客
赫赫盟壇禮女賓滿門桃李都無色來朝尺紙榜京衢
譯館新頒合璧書自有春王正朔在編年紀事兼中外
舍館巍巍設禁城舟車宛轉通江介廿年夷禍降從天

甬粵之間禍最先守土苟安畏夷變居民見小貪夷錢
夷藥迷人死無算夷商奪民利龍斷夷強民弱賊膽張
夷富民貧士氣短頓教五口作名都結屋聯舟耀海隅
以利役人猛於虎夷官儀制衡開府今年三月設新關
名爲投誠饋中土仍按民力添稅銀留與夷官什四五
期以待習爲常通商稅則垂煌煌滬口爲宗次甬口
祇圖便已不便商昨晚投關遲一刻今朝禮拜稽一目
夷俗七日一禮拜閉關 炎天苦雨打頭風華民俯首遵夷律誰令
此輩沐猴冠萬里君門訴不得可憐烽火徧吳中錦繡
江山無路通留得衝途是滄海置郵傳命託艤艫四點
鐘新安大賈話喁喁仰視西山落日猶未紅

楚客來

難行路也

辛酉甬上作

有客自楚來甬東逢人卻說長江通長江經久無舟楫
問客何來淚沾臆客言壯歲承平時混一車書任所之
誰爲 朝廷固疆圉坐使豺狼奪門戶沈江鐵鎖屬崔
苻江南從此非吾土上窮蜀道走烽煙下肆鯨吞盡海
邊惡氛所至絕人迹百里關河千里隔天心祇許賊殺
民以民仇賊賊易平爲民父母早殺賊賊路尙無良民
行莫道今民不如古頻年叵耐流離苦家室漂零斷信
音津梁阻截稀商賈徒窮民力饋兵糧盼望官兵復土
疆無怪民情漸狎賊賊亦便民圖久長荆襄郡縣與賊
近居民買道入賊境自知進退同死亡甘心捨命投梟

獵不見金陵已十年傷心重泊涖洲船居民非復人面
目繞郭十里無炊煙昔聞到此十九死至今也許納捐
錢更有舟師達江漢乘輪駕火奔如電河山未改風景
非狂榛雜處人禽半過此揚帆又一程旌旗方始見官
兵先經賊卡次官卡順流直抵三江營在揚子江下游金焦兩
點餘焦土大鎮芳名號僊女僊女廟鎮屬揚州萬戶人煙一水
流可憐祇此是揚州千尋橋影擲金甲與賊止隔一橋頻年守禦得全
半夜潮聲泣玉鉤迴檣徑取東溟道洪濤萬頃連蒼昊
滿目支離番舶多北風吹送蛟門島鎮海蒼茫歸路怕
回頭莽莽乾坤動客愁江行心長而髮短海行敵國而
同舟平平王路今安在險夷倒置滄桑改君不見海隅

潮落市塵紅百萬軍需羅掘空吳中沃衍今已矣迢迢赤野成千里

大慈倉

哀江東也

辛酉雨上作

大慈倉

紹郡公所

小校場十年羅掘成滄桑庚申四月吳門

破補瘡剝肉捐殷悞疆吏遴員比樂輸鄉信渺小城紳

大東山有鳥西山羅羅空鳥盡將柰何一疏追呼四十

萬軍需火急抄瓜蔓英雄年少爭奇功虎威狐假挾藩

籠操戈同室實始此有人建議防江東

甯紹二府在浙江東

江東

巨室團沙勇沿江守望資鄉董號衣一著賺百錢瓦解

情形不旋踵一言借此抗上官自捐自守脣齒寒鴉溝

剏破夫誰恃錢清

江東地名

塘上迎民團大權日漸歸買豎

幕府參軍作謀主可憐孤注推烏臺

圖練大臣王都堂

一朝劾

戴成騎虎節府煌煌駐大臣彈章十上詆王人

中丞王忠愍

衛參故事比天使長官投刺謁局紳畢竟捐金還乏術

朝三暮四師無律謝氏黃頭第四門

餘姚地名時謝仲逸練勇名黃頭

三千龍勇

水龍會勇

市塵昏乞秦賴有包胥力萬眾懷疑道

通賊牢執官紳門戶心馳函誚讓言語侵餉源第一數

甬口不顧江東顧浙右

杭嘉湖三府在浙江西

浙右名城漸不完

渡江猶計可偏安縱然大局成秦越典郡爭須換好官

太守廖宗元

好官典郡工水戰通籌地勢艱艱便繞郭一軍

方大譁上游百隊先飢變下車初政比閭驚邱隴沿濠

一夕平潰軍乘間挾悍謀萬家惶惑逃危城兵民自此

不兩立奪路爭舟同勁敵岸上鳴鑼打礮船霎時煙燄
便滔天可惜輕身賢太守短衣誤入叢人鬪是兵是賊
渾不分義旅無端成亂民倒戈一誤復再誤風鶴驚疑
滿行路負荆歸來憊不支毆兵爲賊賊因之初聞詐渡
由臨浦蕭山境漸見翻山出滴渚在郡城西十五里孤忠耿耿負
黃堂沫血蛆牀死冰署都堂單騎退娥江會稽東界記室扁
舟被脅降巷戰幾人鳥獸散殘軍敗走東官塘百萬脂
膏歸一閔捐軀空憶楊家鳳楊孝廉鳳藻帶沙勇顛顛芳魂載嶺
民何吏部惟俊號戡民淋漓碧血池塘夢謝仲逸統帶黃頭勇援兵絕迹三
邑空坐視餘氛入甬東嬰城同志聞墮堞鄞縣令臧均之餘子
碌碌飛冥鴻方今將星起閭閻訓練鄉愚平世亂湘軍

勤樸募村農淮勇縱橫收悍叛蒼茫憑弔越王臺五百
年來無將才腹心何至寄紕袴身名埽地憐書獄君不
見義民殺賊起鵲突百戰孤村暴萬骨包村義民又不見急
流勇退故侯瓜辭節朝天浮海植前團練大臣邵漕堂

褚中人 憐困守也王戊滬上作

前有高山後有高山四圍飛瀑流潏潏眼見萬人入不
見一人還還者性命縣在猿猱閱橫闊諸暨縣村名斯姓斯
家子一家百口包村諸暨山村困守拒賊竟敗死楓橋村名朱駱羅潭
村予友田吉生部郎祥田念詒孝名田康福疇全家同殉尤慘烈也闔室燬焉類如此
借問包村村柰何四山料峭無坡陀山前十里隔塗淖
一夫當關阻飛鳥萬戶囊貲此避兵白衣上坐包先生

包立身固守包村便選強丁戶一人下山殺賊如有神

避亂者歸之萬戶夜取賊首縣寨門此時全浙皆賊有斗大孤村餌虎口

一旅能當傾國師賊中精銳喪八九包村拒戰經年屢挫悍賊賊中精銳

多喪於此旦暮入城賊其走先生下令曰不然持齋禮懺還

問天萬人者者無敢言包村自號江東義民而託言神術或疑爲邪教或誣以叛民卒

以無援山幾何畝以百人幾何踵而立巒瘴屍蒸病低涇

老穉棚居死無日治夫貴子豪門娃倉皇飢渴思故家

先生禁之曰毋譁自此人心始欲出矢窮糧盡泉流竭

坐待滅門計殊拙夜深抵死緣厓行十人在上拉大繩

大繩齧石中道絕無底空巖墮不測下有虎狼正求食

斯兒鑒此百計窮計活一丁存斯宗十重敗緒纏頂踵

飛沙滾石踰層峯驚魂不定團團轉墮地無聲出重險
持刀蛻褚如蛻繭回頭卻看萬重山生死分明人鬼關
後來勝負都不省萬戶人煙同日盡包村已是無人境
可憐五塚極天高白骨成堆新鬼號年年一奠清明紙
環山血淚鵑花紫冤魂百倍田橫士褚中人褚中人百
口死一身存死者自高塚存者空墓門旋蒙奏卹建
包生專祠封骨
塚者五子孫
以時奠焉
早知世上有天日何必化外投包村

松江鱸

歎蹂躪也

王戊松
江作

壯歲不食松江鱸今日來遊小柳湖

湖在華亭
青浦之間柳湖湖

水千百曲曲成村村樹綠霎時化作古戰場新鬼煩

冤故鬼哭可憐一炬浦之東驅民爲賊萬室空生者囚

首成戰骨死者委身爲沙蟲毒煙漲天熱血碧大魚食

人流水赤秀野橋名如茵賸斷橋侯門似海存殘壁纍纍

荒塚破牛眠棄骸滿地狐貍泣孤城四面莽妖氛誰其

守者常勝軍夷人華爾以洋鎗隊守松江授漢官島夷大舉驚羣醜西洋

火器尤絕倫落地開花礮名技精熟彈大如斗礮千斤以

少勝多寡敵眾衝煙入敵若無人官軍望氣先咋舌道

旁觀者多歎息抱頭鼠竄羣賊忙搜捕餘孽如探囊玩

之股掌充驅使擒縱猛虎類馴羊借夷助華事非古坐

令三軍士氣沮祇爲海隅圖瓦全且喜吾民暫安堵丈

夫殺賊當強年自成一隊拔幟先不置鞞刀置盾墨因

人成事慚無顏王戊四月子方從戎青浦會夷兵勦賊獲勝感我鄉愁忽鳴

咽故里同時構禍烈無人來此作包胥骨肉瘡痕仇未
雪辛酉賊陷紹城吾家兄弟叔姪殉難者七人認取一堆新髑髏就中誰是
仇人頭

鬻兒錢

傷擄掠也

壬戌松江作

鬻兒錢黃浦邊鬻得一兒錢十千問兒何來兒自言一
兒自言錢唐徐一兒自言蕭山田徐兒有父攜兒走蹤
賊乞兒賊不受瞬息爲兒死賊手田兒無父惟有母兒
擄不知母存否兩兒入賊賊甚歡判與羣兒被羅紈傳
呼奔走無虛日坐臥雜處優伶閒顛倒衣裳供廝養新
兄舊弟紛來往登山涉水不知名瓦場最苦赤腳行許
嘗異味食人肉明朝授刀教殺人兒聞殺人有難色人

聞兒來反辟易進城但見萬戶空持刀叩門入人室人

家兒女也成行眼見分飛各一方况兒無家走千里不

知故鄉尙有爺與娘朝辭吳江水暮宿金山城不聞金

山戰鼓聲但聞羣兒入室供鼎烹朝辭金山衛暮宿南

橋營

南橋在嘉定城南

不聞南橋戰鼓聲但聞羣兒入室按娉

姪昨夜監軍

賊中僞官名

宣號令禁止出城防寇警夢裏爭

呼鎗礮來彈大如瓜落地開天崩地倒魂膽裂繁星亂

潑搖旂臺重濠突入一羣鬼漆面虬鬚短衣赭天安旣

死天福終

天安天福皆僞官名

道路紛紛殺逃者羣兒鼠竄始大

驚強兒隨眾趨柘林

松江府分防有城壬戌四月子方會夷兵破浦東踞賊獲勝

兒狼狽雜婦女囚首喪面卷豚行自顧頭顱訝必死誰

知履虎不啞人漸近家鄉思父母陡換毛角還人身祇
道夷人恤兒苦載兒俱歸渡黃浦無何不顧兒有家教
兒易服學夷語語夷語言夷言故鄉無此衣與冠賊衣
乍破夷衣完一石米民力春一尺布民力縫昔時按村
刮野供賊供忽然罡風捲地付洪濛一城收復一邑空
回頭祇見夷火紅通都大邑類如此何況一兒命如紙
吁嗟乎昔日之兒死於賊今日之兒生死而肉骨可奈
爺娘哭兒又三月兩兒對坐喁喁泣道旁觀者如堵牆
聽兒寄語問爺娘道兒不死休斷腸可有十千錢在否
贖兒還故鄉

辟穀符

憂絕糧也

癸亥滬上作

補勤詩存卷之五

三

破衲道人負橐自言能卻百萬兵重圍不解糧路絕
持此做橐守危城借問橐中有何術紛紛紙裹如落葉
出以示人辟穀符服之令人不思食再問道人從何來

武林被難逢窮災

辛酉十一月杭城陷

杭人本乏謀生計儋石之

儲素不備十家爨火九成空祇因昨夜城門閉長安鎮

草橋門

皆地名

盜糧何處不雲屯可柰空城無一粒飢民

滿路逐炊痕貧者糠粃富芋栗雞狗全烹鼠雀竭香聞

餅餌數奇珍豪門爭市千金擲肉氣晨蒸敗鼓皮齒痕

夜齧寒氈屑將軍城上坐容枯

中丞王壯愍公有齡猛死守望江門月餘

猛

士行閒怒氣蘇十里連營成鐵鑄萬人庚癸望江呼此

時天心亦太酷人將相食猶不覺登城抵死試操戈輕

軀如紙風前落長官視死已如歸盼斷援師莫解圍不
信鵝軍西岸渡俄傳魚鑰北關開開門四望欲何之日
色無光黯淡時面若死灰猶木立轉向敵營求飲食裹
創扶病傷人行行且止隨風滅輕刀斷頸出青煙髑
髏墮地都無血縱橫餓殍積城闔比戶淒涼活幾人早
知亂後絕糧死悔不平時辟穀生賊圍杭城城內糧盡
援師至不得入飢民
死者累萬賊以食誘之乃啟關求食而陷中丞死之失城之慘無過此也道人鑒此傳靈訣
左挹赤松右黃石欲效張良作帝師定須戰術兼仙術
我聞道人言長揖道人前操君斯術乃神僊必不得已
而去食宣尼妙諦留眞詮不然吳興趙氏亦死守胡爲
茗谿百里又復絕人煙東望太湖不得渡血書乞糴歸

無路同聲一哭無米炊千古英雄徒淚垂

趙竹生觀察景賢死守湖

州半年癸亥三月糧絕亦陷惟有吳門浩劫令人駭積米如山栗如

海當年專閫是何人坐使民心先瓦解

瞿園梅 戒侵奪也

癸亥吳門作

江南何所有行人折盡蘇臺柳賸得瞿園一樹花

瞿園卽網

師園爲蘇城名勝時爲長洲邑署主人忘歸鶴失守此花三載沒塵埃

僵臥名園抱玉胎化外訛傳初臘報人間難得早春來

賊中不遭正月朔十月而臘素心良自苦罄口爲誰開紅羊劫盡天降

福王師如雨羣邪伏

癸亥十一月克復蘇城

陡教敵帳盡蟲沙不

見吳宮有麋鹿

賊眾聞降酋已誅薙髮爲民六七萬人城內不復見賊

此花失笑

啟芳脣斯是一陽大來復樓臺無主徹空門滿地哀鴻

不可聞死者鯨鯢作新鬼生者鳩鵲漂驚魂豈無子女

與玉帛霎時楚得復楚失名爲賊遺取不禁剝盡毛皮

時呼奪賊衣爲剝毛皮爭僞宅此日三軍滿載歸當年積帑皆民

力吳其爲沼再而三周餘黎民靡有子東南金粉可憐

嬌壘屋重牀鎖二喬一旦不能有付之獫與狝誰非人

家懷中一塊肉金枝玉葉不膚撓祇苦墮樓少一死甘

爲狗彘食肉萬劫不可逃何似瞿園梅花自芳潔怪石

奇松同勁節不隨枯樹泣淮南乘時開向空園雪舊是

臞僊作主人恰來何遜曾相識謂邑令何實甫明府武夫俗子不

敢攀含香留待詩人折我皇御極今三年貞下起元

甲子編明年上元甲子江南佳氣盤鬱久突報一枝春最先最

先春色偏我屬撫樹感時歌且哭歸舟載此不傷廉蓬

窗鑪火薰奇馥磨盡青谿九子煙

去夏克青浦予止取古墨一方今折梅花

一枝並禁羣下母得拾遺

畫出瞿園一亭竹

有亭斜形顏曰竹外一枝

石季倫 原匱乏也

癸亥滬上作

司書之神曰長恩司財之神石季倫季倫司財二千年

爲財奔走六合閒大園在上好旋轉循環物理多推遷

但將近事記所歷我 朝塞外成王業天時人事困中

原宇宙精華萃北極亂後遺黎齒不繁山川百產多餘

力從龍萬眾事恬熙不盡軍糈任坐糜 帝謂吾民苦

行役吾有好爵爾靡之自此鹿臺財盡散歲竭帑金三

百萬小大從公一例叨同分玉食供酣豢不教世胄伍

齊氓免使天潢降庶人二百餘年資仰食月添一戶日
一丁天庾正供能有幾斗量車載東北行 聖主於時
勤遠畧北伐單于收部落萬馬千軍出漢關連年轉戰
窮沙漠裏糧就道日千金內庫初開取不禁萬里窮邊
勞遠戍九州納粟代催征財神到此眷西土海外無端
來大賈獨爭淫巧賣奇贏別釀煙雲售毒鹽漏卮不塞
國計虛夫人知是耗財府禁之不可邊燬開舉國興師
以惡來倍徙取償求大欲海隅但借一閒屋一年成市
三年都推算之工古今獨中原困敝此其由漏洩西南
甚東北似此虛糜有用貨洞開財庫人不知祇覺寰中
患人滿冬煖而寒年豐飢耕之家一食者十蠶之家一

衣者百羣鳥飛鳴無樹栖多魚在藻淵泉竭財神惆悵
計茫然上叩蒼蒼請幹旋帝曰爾神守財虜未通冥漠
圖其全聖人哀多以益寡天道惡盈而好謙不然魚鼈
不食江湖塞草木不刈山藪填橋可踰淮不爲枳天津
橋上聞杜鵑咸豐間北地漸暖間生南方竹果並聞鵲聲蓋地氣逆行自南而北云平者
不陂往不復造物焉得有微權君不見秦山之雲出石
罅直上青冥不得下下爲雨水潤禾稼又不見黃河之
水天上來奔流到海不復回同時潮聲大如雷水流雲
上事已往潮行雨施機乍開司財之憂胡爲乎來哉

鷹蚨招

卜豐財也

癸亥滬上作

人皇御極育雙蚨青蚨翼短盤中區白蚨大翼能渡海

之九萬里而南圖蚨性好動不好靜沖天一飛頻越境
連羣結隊西南行小來大往行將盡蚨神到此良隱憂
循環何策諮同儔中有一蚨奏所歷我蚨本是求則得
求則得之神智昏求之不得有命存可惜我蚨多失足
失足便入市僧門市僧求蚨意獨切羣蚨畢集如雲屯
母蚨不出于蚨進主人愛蚨偏若命以蚨加蚨如積薪
一蚨禁錮千蚨弄新蚨韜晦失功能老蚨朽蠹苦疾病
坐屈飛鳴有用材未許逢人一持贈羣蚨無法破慳囊
但云悖出猶尋常欲令慳者慳不得膝下多生美兒郎
一兒頗健好騎射一兒聰慧能文章健兒遊俠輕揮灑
慧兒角藝登名場兩兒用財如糞土高車駟馬榮庭戶

門櫺改造賀新宮列肆交通行遠賈鋪張揚厲忽成風
當道爭迎仰素封一食便費中人產如山燭淚氎毼紅
名途利藪稱兩得所得卻不償所失青蚨來去得循環
掉頭自喜暗天日老慳筦鍵無所施聚之百年散一刻
蚨神聽此良慰懷持此妙術無與偕洵如君言滿則覆
海外猶嫌蚨不足將欲取之姑與之直須一去蚨傾國
海沙千里不淘金海上千山不汞銀波斯客敝室民中
華大利無敢爭蚨神導之上國行以其所賤易所貴通
都大邑操奇贏鼉梁蜃市隨潮漲以百取千千取萬輸
金易土開漏卮腴剝財源旦復旦互市相仍又十年欲
填滄海作桑田桑田亦復變滄海齊州九點起烽煙櫓

槍滿目無人埽坐使重洋成孔道東南美利屬西人海
天自大扶輿小幸逢寬政議和戎海上諸邦日正中過
此天心將厭亂大來小往轉洪濛昔憂有此國計損今
恐無此民利窮閭閻衣食多仰賴關津輸納隨正供有
蚨盡是中土產於茲物極乃思反化身千億渡重洋萬
里歸來歸未晚道光之季通商海口歲出銀以百萬計
遂成漏卮內地每銀一兩易制錢二千
四五百文洋價稱是厥後洋商土木之繁舟車之盛互
相雄長漸卽奢華所賺之銀多留內地甚至以銀入口
利及商民故雖軍興繁費而銀價轉平嘉名肇錫曰英
此財源旋轉之機亦中外循環之理
蚨拚飛惟鳥繪爲圖此日鴈鷗工變化舊時人面認模
糊咸豐開鴈洋始入中國不一年易其舊用洋錢以去
東南郡邑翕然從之莫知其故以其象鴈也呼鴈洋
時有美其稱乃爲招蚨歌一曲蚨兮蚨兮歸來速礪五
日英蚨者

嶽兮帶四瀆 聖朝天子居中國又爲留蚊歌一章蚊
兮蚊兮休遠颺沈珠於淵兮捐金於山漢家 皇帝卜
世長

五雲車

惜河運也

甲子滬
上作

神龍燒尾行長空帆檣不用天無功雙輪碾海成孔道

軒轅造車失人巧西人新作五雲車

輪船名

水火既濟轡

軸舒光芒十丈騰釜氣巨燄滔天海爲沸大輪潛撥小
輪移電掣雷轟百靈廢飛龍曳後作潮聲空涌觀伯令
倒行按時計里目一瞬兩點三點鐘自鳴挾煤山以煮
海水有瀾濟盈水濡軌何物負舟龍馬兼張弧儼載一
車鬼百川自古東南流惟有黃河朝 帝州黃河孟浪

行不得汶上老人有長策迢迢一水倚天高高處分流
南朔交百洩千瀦工導引長隄迤邐亘四省南通北通
貫兩頭年年啟牖挽糧舟以便商民足天庾百川爲緯
此經流此外巨艘行巨浸南直登遼快馳騁東南風利
挂千帆北頭船業斯爲盛向惟江浙商船行牛莊天津
煙臺各口名北豆船亦稱北
頭尋常商賈莫敢行行之已足駭人聽中原多故滯南
糧萬里漕河隄捍荒洪澤淤成耕種地樓船廢作渡人
航黃河四溢無人管百尺中流流轉斷曩時一渡轉雙
帆此日騎驢行緩緩可憐隄畔接人煙食力原來戶萬
千無怪中原多盜賊遊民強半迫飢寒自此津倉收海
運賴有江南他不問江南能得幾何船商力凋殘苦稅

捐北豆船最重况有飛輪奪民利呼朋引類占先鞭先鞭一
占何時歇波濤萬頃炊煙直海門之軌深千尺寄語商
船休歎息獨不見火攻器出歐羅巴佛郎機法原中華
文忠重著則克錄輪機電氣名專家又不見甬滬豪商
分水利駕駛飛輪由內地雄才大畧推湘淮用夷攻夷
夷不忌利器由來不授人願開銅山造火輪

青狸奴

冤死節也

甲子金陵作

青狸奴嘵嘵鳴口作人言走且呼俯瞰城壕啜人血繞
城狂跳覓頭顱奴言家住孝陵衛咸豐三年年十歲爺
娘老大無男兒膝下成行皆姊妹傳聞皖北徧長毛萬
戶千家爭畫橈畫橈價重黃金賤阿爺無力不能逃移

家轉向危城寄城門不道無人閉今朝江浦募民團昨夜鍾山屯賊騎滿城烽火起悲風十萬人煙一炬中爺娘姊妹無覓處但見積屍徧地流血紅忽逢大漢持長戟驅迫羣鬟入巨宅宅外刀槍列如麻宅中無數藏嬌娃頃刻率去歸賊家欲死不死鞭朴加可憐珠玉沈泥沙似此紅顏遭辱黷祇爲臨時去不早原來虎口少餘生餘生豈復存人道女鬟千數欲何之細雨鶯聲離別時十鬟九死奴獨活謂奴苟活奴有詞奴家父兄不受朝廷一命職教奴死難奴不識奴年幼弱未字無兒郎教奴死節奴未遑謂他人母他人父居民日漸稱安堵今年歡笑復明年樓臺依舊堆花雨亂後居然說相

攸幾人含怨幾人羞羨奴嫁得金吾婿不解人間少婦
愁非種必鉏偏育子僞官無用卻封侯從茲轉禍疑爲
福忘卻中原還逐鹿杞憂無分恕家鄉萍水多情聯眷
屬童年離亂記模糊一女由來恥二夫抵死全真甘暴
骨不教肢體溷泥塗誰知造物工施報於今怕說官兵
到無分玉石付崑炎逢人一掾俱顛倒天生佳麗獨何
辜暮暮朝朝忍毒痛婦女明知非黨惡可堪天討戮妻
孥不然宛轉隨人作傳舍雲翻雨覆乏完膚雨花臺高
百尺秣陵關堅似鐵昨夜將軍新戰沒僞朝宮府沖圍
出甲子六月天光慘淡日無色盈廷朱紫坐俘囚滿懷
蘭玉成餘孽虞姬騅馬楚人歌數行泣下英雄末六朝

金粉本無雙况又接羅下大江多是名門好兒女
延殘喘望風降天心厭亂憐嬌小落花滿地罡風掃二千
餘人同死亡金陵賊敗同時自盡婦女二千餘人國殤無算哀鴻少手持
秋水斷螭螭自念青狸尤見幾莫作難民供取掠鵲巢
無侶逐鳩栖抱此忠魂爲逆眷是忠是逆褒譏半愚忠
從一有誰知沈埋浩劫空哀怨化外奇冤錄補遺千年
彤史存疑案嗟哉青狸爾毋唬爲爾作詩備考稽行舟
薄暮秋雲低望見青燐明滅緣長隄啾啾鬼哭日沈西
四顧無人驚魂嘶令我呼僮倒篋添征衣

縛橐駝

鑒治遊也

甲子滬上作

不傳姓氏號橐駝別無能事善簫歌東風狼籍鳥嘯苦

補勤詩存卷之五

三

一駝宴坐環羣娥咄哉天心不厭禍十年烽火驚花墮
臨危無復千金軀泥沙亂擲珍珠顙龜行痾僂橐駝來
老向人間作善才收羅奇貨稱大賈乘人急難爲狼豺
迷樓粉黛成塵土海上倡家本千戶新開河

在上海北門

下

屋如麻况又逢人教歌舞分飛兒女路旁嗟祇道如花
踏作泥卻換姓名登荊部可憐還向畫梁栖畫梁栖燕
笙歌伴池塘睡鴨紅欄管一紙書催寶馬馱十千錢買
蘭芽短合羞教學四條絃強被紅綃夜半纏未盡師曹
鞭裏曲先搖阿母樹頭錢隨人顰笑渾無主門前車馬
紛延佇霑泥滾絮斷鄉音拌得浮生逐風雨朝朝暮暮
碧雲街

地名

脈脈盈盈麗水臺

臺名

獨許念奴傳燭覓金吾

執禁一時開翠幃香燈歸選院高樓尚有通宵宴一醉
紅妝臂釧鬆秋風隔壁催團扇自從中土事干戈蠻市
煙花百倍多徑借鼉梁添龍斷狹斜敢設網人羅亦有
迷香初入洞脫鞵飛出門櫺鳳爨火幾令桐尾焦淤泥
尙隔蓮花夢別船時或去琵琶難得商人遇賣茶十幅
零縑還自贖忽隨紅葉到人家一般茵溷花都落美人
況有千金託自分郎無前度劉何意人逢種樹郭可堪
竟逐羣駝行綠怨紅愁再擲輕賣笑黃金容易盡籠中
空繫倦嘯鶯當鑪弄杼慵妝改倚門留得雙眸在始識
羅敷自有夫高飛抱願將人待豈有籀條解貯嬌微聞
賣杏是明朝自隨鳳侶鸞歸鏡急拔鳩居鵲換巢

時有
亂離

之婦入鉤欄自贖其身依橐駝者其夫知之潛往駝果
欲賣婦既成說矣夫哀有力者拔之以出並救得二小
鬟而歸橐駝者院中更有偏諸婢燈前已熟跳歌技
延年女弟問何來螟蛉逐隊儲羅綺陡從險穴出嘯鬢
也算珠投合浦還痛惜虎兇餘塊肉橐駝負重罪如山
兩閒尤物東南美卻被蜂媒長瘡痂歌臺舞榭幾時存
茂陵秋草秦淮水空使花香惹蝶衣落花胡蝶肯同飛
故應漂墮隨流水不待愁成綠葉肥忍聽春聲嬌玉笛
橐駝依舊牽裙屐管教添載七香車蜃樓無底鮫人泣
冶遊錢使萬人愚同是無家客海隅大劫當頭應記得
道旁曾否失明珠年年攀折風前柳歲歲浮雲變蒼狗
傷心莫問小鬟爭鬢金誰賣盧家酒爲之奈何殺橐駝

夜潮怒決吳淞口

種菜民

病租賦也

甲子吳門作

五月免完糧十月免完米四野不聞新穀起免糧不免
按畝捐免米不免租捐錢熟田不種種荒田荒田無捐
種菜菽一斤菜值一斤粟熟田捐錢三百六租捐八百
猶不足大戶催租官設局種稻不如種菜熟吳門繞郭
市塵紅萬戶人煙一炬空轉瞬闔閭如比櫛去者易來
散易集農民無此避難資株守田廬死六七一農死後
一田荒迢迢赤野蕞羣絕無業災黎數萬人非其鄉土
不能耕空使毗陵新復後人猶相食鬼哀鳴賸得一畦
新種稻東南物力斯爲寶京倉玉粒賴斯人如何半菽

不令飽東鄰買種西鄰買牛老農努力祝車籌 朝廷
舊賦三年豁大府新征半漕去聲收一畝荒田初報熟去
年還種菜千頭但願今年穀有秋賣穀完捐又完米可
能贏得菜錢不

乞者嫗

惻羈累也

甲子濕上作

白頭老嫗乞街前家有兩兒皆丁年一兒夜行被鬼縛
一兒借用官人錢官人追錢如火急鬼縛還須待鬼釋
兩兒械鎖親官刑箠楚桁楊伍盜賊羈所年年死百人
陰房尸氣鬱禮氛坐臥牛衣蒙霧露面目黧黑手足皸
每日殘煇與冷炙兩兒之食一母乞母不乞時兒不食
昨夜雪花大如席道路旋滿泥一尺母悲號兒阻飢朔

風凜凜刺雞皮獄卒索錢囚脫衣千囚瘼斃一卒肥長
官此際將進酒銷金帳煖圍鑪久錄囚對簿忘姓名誰
當省釋問左右左右但知囚有錢有錢得出無錢否可
憐老嫗乞聲高龍鍾踏雪路旁號昔日食兒兒不飽乞
少常苦兒腹枵今日病羸兒絕粒乞多不食脣齒焦明
朝老嫗街前泣一兒先作溝中瘠死者長已矣生者又
不食瑩瑩骨立身如漆從此老嫗不復乞

補勤詩存卷之五